

敬亭飞歌

——中华诗词百城牵手宣城行采风作品选(下)

中华诗词百城牵手宣城行 如期举行有吟

◇邹志高(合肥)

一轮明月起瑶池，正是宛陵菊绽时。
欲遣诗心豪纵酒，秋风起意正如期。

甲辰年秋“百城牵手宣城行” 之桃花潭

◇郑永铃(合肥)

底事秋风踏岸行，百城牵手起歌声。
只因一个青莲客，潭水楼台都是情。

柳梢青· 百城牵手宣城行之敬亭绿雪

◇郑永铃(合肥)

坡上溶云，山间清梦，杯底争春。纤指斟来，白毫飘落，香滤浮尘。
百城牵手留痕，啜一口、凝情也真。绿雪腾烟，人生快意，白发销魂。

百城牵手宣城行

◇唐佳(合肥)

爽籁宜人好个秋，百城牵手约宣州。
追唐欲把前贤谒，步宋堪将大雅求。
谢朓楼高当远眺，桃潭水碧恰清游。
文房四宝凭君运，兴到浓时韵自流。

题敬亭绿雪

◇唐佳(合肥)

敬亭自古种茶宜，绿雪声闻证有诗。
日月精华凭吸纳，云泉气韵仗濡滋。
尝为贡品三朝贵，竞惹题名九域驰。
但惜滴仙无此遇，应教陆羽美何之。

鹧鸪天·将至宣城有寄

◇刘晓燕(合肥)

吟帜高擎霜菊时，天风吹梦到江陵。九同碑谒梅公魄，千尺潭怀太白辞。
云际月，日边鸡，丹青一卷宛陵诗。深灯静赏江南画，十里桃花旧酒旗。

鹧鸪天·桃花潭小镇

◇刘晓燕(合肥)

藤绕篱笆曲巷长，幽深老屋隐行藏。人家尽枕清流岸，鸡犬相闻翠麓乡。
疑太古，幻甘棠，谁能挽住旧时光？满园秋色难关住，柿果殷红出粉墙。

金缕曲·访梅溪公园怀宛陵先生

◇刘晓燕(合肥)

踏遍缘溪路，忆当年、上江首胜，人文之土。公拥清襟真如雪，笔筑宋诗之祖。风雅调、春秋独步。多少情怜陶者意，傲骨存、不屑权门赴。察世道，悯民苦。
浮生能几宣州遇？况亲瞻、九同碑侧，宛陵风度。千载风流吟哦客，惟有良知记取。但仰望、前贤容与。磊落英多藏毓秀，梦幻中、辽鹤归飞处。一塚畔，万梅吐。

桃花潭酒

◇王勤(合肥)

春风十里醉桃花，不放杯空谢酒家。
白也不知何处去，踏歌声里渺无涯。

登敬亭山有感

◇王勤(合肥)

敬亭烟雨晚来幽，濺湿江南一段秋。
山自青莲相看起，人同雁字自在游。
素心两度经行处，风袂今番独坐楼。
翠叠林涛如细语，浮生未许溯从头。

水调歌头·山水宣城

◇王勤(合肥)

墨海几穿越，山水一笺开。壶天叠翠流云，佳色画中裁。邂逅千年大美，若遇三生知己，几度动吟怀。谈笑上峰顶，佳兴倍悠哉。
拜“诗老”，邀小谢，滴仙来。群贤毕至，相携同步上楼台。不觉风怀渺渺，忽听吟声朗朗，天地独怜才。人在最高处，气象混无涯。

〔中吕·朝天子〕访太白独坐楼

◇董静(合肥)

雨中，雾中，滴翠流云弄。烟峦隐隐霭千重，谁把诗情送？
叶落秋泉，花开崖缝，咱来寻青莲独坐踪。近松，远峰，还记否揽月青山梦？

〔仙吕·赏花时〕

“百城牵手宣城行”访谢朓楼

◇董静(合肥)

落叶翻飞正写秋，携手来登谢朓楼。树老鸟啁啾，飞檐翘角，居闹市也清幽。(幺)历代诗文壁上留，千载风云眼底收。咱呵对着画像拜一拜“谢风流”，高斋远眺，这山这水大美我宣州！
〔赚尾〕坐西亭，沉吟久，想起那李翰林过此楼还低了首。小谢清词如美酒，况田公名赋来讴。怀古贤兴悠悠，伴几个知己吟唱无休，一任诗情云上走！今朝胜游，记别时候，下完那四十台阶不舍又回头。

临江仙·中华诗词百城牵手宣城行

◇张彦(合肥)

落叶缤纷山静，诗家牵手宣城。高亭酬唱和秋声。玉楼金阙处，云淡又风轻。
曾记青莲留句，长风万里盈盈。遣怀吟兴壮思宏。中华多绮梦，词赋启新程。

咏敬亭绿雪

◇张彦(合肥)

敬亭山美气犹新，叶嫩芽尖绿雪珍。
最是清香逢谷雨，诗心寄与爱茶人。

百城牵手宣城行

◇李青(宿州)

客路何辞远，心仪唯敬亭。
诗山云似练，秋水雁留声。
邀月滴仙拜，登楼谢朓倾。
良辰逢故友，放棹踏歌行。

游敬亭山

◇李青(宿州)

秀色秋初染，两江烟雨轻。
连峰弥雾色，叠浪逐鸥声。
随兴昭亭坐，寻幽宛水萦。
回眸千百度，未了此中情。

登谢朓楼

◇李明科(蚌埠)

绿荫旋鸟影，向晚客登楼。
云馆诗山隐，烟笼宛水流。
一生钦太守，几度客宣州。
雁字穿云过，天高正好秋。

拥翠亭得句

◇李明科(蚌埠)

敬亭山上仰风流，独坐楼前晋代秋。
十里群山拦不住，寻踪直上谢家楼。

桃花潭酒

◇李明科(蚌埠)

仙客辞时剩一觴，千年岁月窖深藏。
开坛数滴唐时酒，可醉桃花十里香。

临江仙·敬亭绿雪茶

◇李明科(蚌埠)

翠岭轻篴薄雾，晚霞淡抹昭亭。满山披雪绿盈盈。主人迎远客，草径说茶经。
雀舌油然润泽，翠眉生就多情。瓯中轻舞妙姿生。一杯驱浊气，数盏入空灵。

卜算子·桃花潭

◇张华(池州)

一路觅诗踪，见到桃花水。曾是汪伦邀谪仙，千载垂高谊。
两岸满游人，共赏风光美。忽有秋声满漱来，雁影江潭底。

宣纸

◇张庭清(六安)

纸寿千秋韵，诗情载满舟。
欲寻挥墨处，追梦到宣州。

桃花潭感吟

◇张庭清(六安)

桃花渡口伴同人，古岸连绵步后尘。
多少诗家曾到此，谁来不想赠汪伦。

百城牵手宣城行

◇姚丽琴(铜陵)

一路风光别样清，百城相约赴宣城。
敬亭云绕诗心涌，宛水烟笼画意生。
古巷幽深藏旧梦，青山独坐蕴新情。
且看此处多灵秀，共赴佳期笑语盈。

宣城诗会盛景

◇姚丽琴(铜陵)

敬亭山下雨如烟，古邑秋华映远天。
墨馥纸馨诗意涌，山幽潭澈客情绵。
千秋胜地邀盛会，四海贤良赋雅篇。
文化传承增绮色，宣城处处韵如弦。

鹧鸪天·宣城秋行

◇姚丽琴(铜陵)

雅士纷纭入锦庭，秋光璀璨耀辰星。敬亭翠影诗魂绕，潭水波光画梦萦。
古菴谧，沃原澄。清风袅袅共欢兴。古贤遗韵今尤在，胜境幽怀岁月凝。

记百城牵手宣城采风

◇朱恩三(宣城)

诗词之市盛名远，会聚骚人源百城。
俯首敬亭怀谢李，老春绿雪酝诗情。

中华诗词百城牵手宣城行感吟

◇陈虎山(宣城)

百城牵手古宣州，宛水诗山醉了秋。
李谢风流今胜昔，千言万语意难收。

行香子·皖垦茶业行吟

◇陈虎山(宣城)

绿满长冈，馥郁茶香。彩旗飘，宾主偕忙。渫云漫漫，山势轩昂。赏心徜徉，雨声细，草芬芳。
笔舞华章，志气飞扬。绘蓝图，携手同商。敬亭绿雪，湛湛天光。正情绵延，意无限，地无荒。

次陈会长韵兼呈与会师友

◇陈毅(南京)

俊游相得访宣州，控鹤翩然倚早秋。
点检吟篇知多少，还将雅谊一囊收。

鹧鸪天·游敬亭绿雪茶园基地

◇陈毅(南京)

散步梯田意自嘉，寻幽渐入径横斜。白云起处遗踪渺，绿雪翻时野趣加。
分嫩叶，护新芽，昭亭香雾笼轻纱。更凭纤手调羹久，一啜脩然味物华。

贺百城牵手宣城行活动举行

◇徐德明(宣城)

兴坛结社展芳华，编简刊碑未有涯。
立异标新弘正量，开来继往育奇葩。
诗承唐宋涵佳制，韵逸山城焕迥迳。
国粹无忧期后俊，神州放眼尽方家。

写在中华诗词百城牵手宣城行 活动之际

◇方诗韵(宣城)

欢欣雅客聚宣城，宛水昭山喜气生。
牵手同行传厚意，开怀叙话深情。
梅花满树凝香久，太白琼篇赋市荣。
今借群贤无量力，乘风踏浪启新程。

鹧鸪天·中华诗词百城牵手宣城行

◇黄爱武(宣城)

十月金风拂面轻，百城牵手聚群英。敬亭山下诗潮涌，谢朓楼头雅韵生。
寻胜迹，赋新声。挥毫泼墨尽欢情。传承经典同心守，共绘中华锦绣程。

敬亭绿雪

◇黄爱武(宣城)

敬亭灵秀育奇珍，绿雪仙茶味独纯。
雾绕云蒸滋嫩叶，霞凝露润泽芳唇。
馥如花乳杯中溢，湛似琼浆齿畔欣。
邀月听风闲谯茗，云华一盏涤心尘。

咏中华诗词百城牵手宣城行

◇瞿安之(宣城)

百城牵手盛吟哦，俯仰诗山志客多。
有绪鸿声晨露透，正浓桂蕊晚霞和。
谢风李韵梅公意，楼影峰峦扬子波。
是趁重阳昌胜迹，新人古邑共婆娑。

赞敬亭绿雪

◇瞿安之(宣城)

大道勤从小处拿，诗山底蕴育禅茶。
一壶品尽敬亭雪，半卷经书到日斜。

敬亭山

◇李泓(宣城)

天净闲云淡，花繁野径香。
物华惊李谢，灵气孕诗章。
昔载文风厚，今承国粹忙。
声名经久盛，岂止在山光。

桃花潭怀仙阁有思

◇李泓(宣城)

楼阁临潭近，循诗我复来。
碑痕铭典故，履印覆苍苔。
古韵因风起，新思隔水猜。
踏歌相送处，吟句念仙才。

参加百城牵手宣城行

◇余浩(宣州)

有约佳朋胜日临，诗山一见两知音。
乾坤俯仰人文萃，新作连连同唱吟。

礼赞中华诗词百城牵手宣城行

◇刁春旭(郎溪)

雅客天涯赴敬亭，柿红菊艳桂芳迎。
重峦泛彩聚祥息，群雁驰空留婉声。
永续阳春千载颂，深研梅学九州倾。
青莲泉下心花放，直赞诗繁助锦程。

敬亭山

◇程源红(郎溪)

翠岚葱郁有灵根，声势齐同五岳尊。
出岫云腾林野外，鸣山泉映石涛门。
谪仙不厌题千首，骚客纷来抹一痕。
四季花开红十里，昭亭流韵总含温。

百城牵手宣城行

◇周家禄(宁国)

百城牵手到宣城，十月澄江笑有声。
灵秀诗山招饮者，邀君再作棹歌行。

〔双调·折桂令〕 记百城牵手行采风敬亭山

◇李和平(宣城)

风流地古邑昭亭，千载留香，五岳齐名。今聚贤才，百朋牵手，穿雾欣行。
逐太守当年问顶，叹谪仙七度飘零。不厌相迎，不厌相看，自是长情。

游梅溪公园

◇徐余泾(泾县)

风清雨霁秋光好，鸿雁穿云万里来。
杂树斑斓仰高阁，群芳致敬皖南梅。

忆江南·宣城好

◇徐余泾(泾县)

宣城好，最好敬亭山。绿雪煮泉茶水好，丹枫灼鸟白云闲。分手几时还。
宣城好，更好是泾川。聚饮桃花潭酒烈，别书宣纸意缠绵。鱼雁约来年。